

# **Rapport dalla seduta dil cussegl da vischnaunca dils 11 da zercladur 2019 a Dardin**

## **Beinvegni ed avertura**

Il president dil cussegl, Luzi Pfister, fa a tuts presents in cordial beinvegni alla seduta da questa sera.

La gliesta da tractandas, la quala ei vegnida tarmessa tier cun l'invitaziun, vegn suttamessa alla discussiun. Damai ch'ei vegn buca fatg diever da tala ei la gliesta per la seduta da questa sera ligionta.

## **1. Approbaziun dil protocol dalla seduta dil cussegl dils 26 da fevrer 2019**

Il protocol ei vegnius tarmess allas cusseglieras ed a tuts cusseglers. Il president dil cussegl suttametta el alla discussiun. Da tala vegn buca fatg diever. Il protocol vegn approbaus unanim.

## **2. Presentaziun quen annual 2018**

Igl emprem quen annual dalla vischnaunca fusiunada ei vegnius repartius ensemen cun l'invitaziun a tut ils commembers dil cussegl, aschia che tuts han giu la pusseivladad da studegiar tal. Il quen siara suenter expensas ell'altezia da frs. 12'700'627.45 ed entradas da frs. 18'773'825.07 cun in surpli entradas da frs. 6'073'197.62. Cheu ei da menziunar specialmein la contribuziun da fusiun da frs. 4'050'000.00. Amortisaziuns ordinarias ein vegnidadas fatgas ell'altezia da total frs. 575'795.30. Il quen d'investiziun siara suenter expensas da frs. 3'825'022.50 ed entradas da frs. 1'136'232.05 cun investiziuns nettas ell'altezia da frs. 2'688'790.45. Quei ei igl emprem quen tenor il niev model da quen MAC2. Clau Schlosser repassa il quen current, quel d'investiziun e la bilanza e dat sclariment sur dallas differentas posiziuns.

La discussiun vegn dada libra. Sin las damondas tschentadas sa vegnir dau risposta ed ei vegn fatg neginas propostas per midadas.

## **3. Rapport da revisiun ed approbaziun dil quen annual 2018**

Vic Desax, president dalla cumissiun da quen e gestiun, rapporta sur dalla revisiun prida avon maun e menziunescha il fatg ch'il quen ei sco emprem vegnius revidius digl uffeci da vischnauncas. La cumissiun ei fetg satisfatga dalla buna lavur dalla suprasatonza communal e dall'administraziun. Il quen seigi vegnius presentaus al cussegl en tut ils detagls, aschia che la cumissiun stoppi buca commentar tal. Ins hagi controllau tut las spartas dil menaschi da vischnaunca e saviu constatar che la contabilitad ei menada conform ils principis mercantils. En cass da damondas hagi la cumissiun survegniu in detagliu e clar sclariment. Cunquei ch'il niev model da quen ei ualti complex vegn la cumissiun da quen e gestiun a far la proposta alla suprastonza d'incaricar in biro fiduziari per la revisiun dil quen annual naven dil 2021. Entochen lu vegn igl uffeci da vischnauncas dil cantun a far la revsiun.

La cumissiun propona d'approbar il quen annual 2018 e dar scarica alla suprastonza sco era a tuts emploiai. Vic Desax engrazia alla suprastonza, all'administraziun, als emploiai ed a tuts funcziunaris per la buna lavur prestada el decuors digl onn vargau ed en favur dalla vischnaunca.

Las cusseglieras ed ils cussegliers fan negin diever dalla discussiun. Per consequenza vegn il quen annual 2018 sco era il quen dalla meglieraziun Breil-vitg suttamess alla votaziun. Cun tscherna unanima approbescha il cussegl ils quens annuals cun dar scarica a tuts funcziunaris.

Il quen vegn repartius en tut las casadas e mess sin nosssa pagina d'internet. Convischinas e convischins che ein buca cuntents cun l'approbaziun dil quen ni cul quen sco tal, san far diever dil referendum facultativ tenor constituziun communal.

#### 4. **Approbaziun: lescha davart l'indemnisaziun dallas prestaziuns dalla vischnaunca da Breil en connex cul provediment d'electricitad**

Igl uost 2012 ha igl uffeci d'energia dil cantun grischun fatg attents las vischnauncas da far ina lescha d'indemnisaziun dallas prestaziuns dalla vischnaunca en connex cul provediment d'electricitad. La lescha ei vegnida repartida a tut las cusseglieras e cussegliers. Clau Schlosser informescha il cussegl che quella lescha vala sco basa legala d'incassar la contribuziun.

Ei vegn buca fatg diever dalla discussiun. Cun tscherna unanima approbescha il cussegl la lescha davart l'indemnisaziun dallas prestaziuns dalla vischnaunca da Breil en connex cul provediment d'electricitad. Questa lescha va retroactiv igl 1 da schaner 2019 en vigur.

#### 5. **V a r i a**

Clau Schlosser informescha il cussegl che la suprastanza hagi decidiu da separticipar naven digl 1 da schaner 2020 agl uffeci funsil Glion/Lumnezia. Vinavon informescha el il cussegl che la publicaziun dalla via da colligiazion vegni fatga pli probabel el decuors dil zercladur 2019 suenter igl inscunter cun la cumissiun da meglieraziun che ha liug ils 17 da zercladur 2019.

Luzi Pfister engrazia alla suprastanza per la buna lavur da preparaziun dallas fatschentas. Vinavon engrazia el als cussegliers per la presenza e la partizipaziun e giavischa in bien retuorn a casa. El siara la seduta dallas 21:40 uras.

Breil, ils 12 da zercladur 2019

**Il president**

*Luzi Pfister*

**Igl actuar**

*Carolin Cadonau*